

CANLLAWIAU
MYNEDIAD I
GYNULLEIDFAOEDD
2018 - 2020



CYFLWYNIAD

Mae Ffilm Cymru Wales wedi ymrwymo i hyrwyddo diwylliant ffilm bywiog a nwyfus drwy gynyddu mynediad i, ac ymestyn yr amrywiaeth o ffilmiau sydd ar gael, i bob cynulleidfa ledled Cymru, gan gynnwys y ffilmiau hynny sy'n arbennig o berthnasol i Gymru.

Ffrwyth adolygiad strategol a gynhaliodd Ffilm Cymru yn 2015/2016 yw'r canllawiau sy'n dilyn ac maen nhw hefyd yn talu sylw i ddata a gasglwyd oddi wrth gleientiaid a ariannwyd, ymchwil ehangach yn y DU ac ymatebion i arolygon.

Mae'r ddogfen hon yn egluro ein nodau a'n blaenoriaethau ariannu ar gyfer 'Cronfa Mynediad i Gynulleidfaoedd' Ffilm Cymru Wales; ei diben yw helpu sefydliadau sy'n dymuno gwella amrywiaeth, argaeledd a chyrhaeddiad y ddarpariaeth annibynnol o ffilmiau i bobl Cymru.

O fis Ebrill 2017 bydd y Gronfa Mynediad i Gynulleidfaoedd ar agor i bob man/lleoliad arddangos, gŵyl ac unrhyw sefydliad arall yng Nghymru sydd am ddarparu gwasanaeth ffilm i roi cyfle i gynulleidfaoedd Cymru ddod at ei gilydd i wyluo ffilmiau.

Yn benodol, rydym yn awyddus i gefnogi gwella'r ddarpariaeth yn yr ardaloedd hynny o Gymru lle mae'n dal yn brin, o ran mynediad at sgriniau sy'n dangos cynnwys ffilm annibynnol ac i gyrraedd rhagor o aelodau'r cyhoedd sy'n cael eu tan gynrychioli mewn cynulleidfaoedd ffilmiau annibynnol mewn mannau cymdeithasol – gan gynnwys, er enghraifft, cyrraedd cymunedau De a Lleiafrifoedd Ethnig, pobl ag anableddau, oedolion ifanc a phlant.

Mae'r gronfa Mynediad i Gynulleidfaoedd yn cynnwys arian loteri Cyngor Celfyddydau Cymru ac arian Cymorth Grant y Sefydliad Ffilm Prydain.

EGWYDDORION CRAIDD

Y tair egwyddor sy'n sail i'n strategaeth cynulleidfaoedd a'n penderfyniadau ariannu cysylltiol yw:

CYNHWYSEDD

Rydym ni eisiau i bobl ledled Cymru, waeth beth yw eu hoedran, hil, tueddiad rhywiol, anabledd, lleoliad a / neu statws economaidd a chymdeithasol allu gweld amrywiaeth eang o ffilm, mewn mannau cymunedol, y maen nhw'n gallu uniaethu â nhw a'u gwerthfawrogi. Rydym ni'n annog cynhwysedd ar draws pob Nodwedd Warchoddedig.

GWERTH AM ARIAN

Rydym ni eisiau i'n harian gael yr effaith fwyaf posibl. Mae ein gwerthusiad yn cynnwys mesur costau yn ôl y nifer sy'n bresennol (er enghraifft, data hyd yma sy'n dangos cyfartaledd costau yn ôl y nifer sydd wedi mynychu sinemâu o 55c, o gymharu â £3.23 ar gyfer gwyliau a £4.06 ar gyfer digwyddiadau arbennig). Rydym yn annog ymgeiswyr i gadw mewn cof gost y pen yn ôl y nifer fydd yn mynychu'r gweithgaredd y bwriedir ei gynnal. Fodd bynnag, rydym hefyd yn cydnabod y gallai dalgylchoedd, lleoliadau a rhai mathau o weithgareddau fod angen cefnogaeth ddyfnach a fydd, o angenrheidrwydd, yn costio rhagor – gan gynnwys peilota cynigion i gynulleidfaoedd newydd, datblygu partneriaethau newydd ac arbrofi gyda mannau newydd neu ffyrdd newydd o raglennu a marchnata, er enghraifft. Rydym eisiau annog y gweithgareddau hyn lle y gellir disgwyl ehanghu'r cynulleidfaoedd a gwella'r cysylltiad gyda chynulleidfaoedd - a byddwn yn disgwyl y bydd hyn yn arwain at gynydd yng nghost y pen yn ôl y nifer yn y cynulleidfaoedd ar yr adegau hynny.

ARLOESED

Drwy'r gronfa Mynediad i Gynulleidfaoedd rydym eisiau arbrofi gyda syniadau ac annog datblygiadau mentrus sy'n cyrraedd cynulleidfaoedd newydd, yn denu partneriaethau newydd ac sy'n datblygu'r model busnes ar gyfer arddangos ffilmiau. Rydym ni'n annog arloesedd gan gynnwys, ond nid yn gyfyngedig i, ddatblygu ac annog, rhai o'r newydd a rhai sy'n datblygu, o:

Fodelau busnes

annog cydweithio, partneriaethau newydd, ffyrdd newydd o weithio, amrywio ariannu ac annog dulliau'n cael eu harwain gan ymchwil a data.

Lleoliadau

Roedd y cyfan o'n model ariannu blaenorol yn cael ei glymu wrth bortffolio sefydlog o wyliau a lleoliadau ac nid oedd yn talu digon o sylw i ddatblygiadau yn yr amgylchedd arddangos mewn sinemâu nac i fannau o bwys yng Nghymru lle nad yw cynulleidfaoedd yn cael cymaint o ddarpariaeth. Er ein bod yn cydnabod gwerth y sefydlogrwydd a ddaw o gytundebau ariannu am sawl blwyddyn, mae'n rhaid cydbwyso hyn gyda'r gallu i ymateb i ac annog cyfleoedd newydd. Er enghraifft, fe hoffem ni weld ffilmiau ar gael mewn amrywiaeth ehangach o fannau y mae cymunedau eisoes yn eu gwerthfawrogi, gan gynnwys cydnabyddiaeth o'r potensial sydd gan ffilm i adfywio a rhoi diben newydd i fannau sy'n cael eu tanddefnyddio neu heb ddefnyddio o gwbl.

Prisiau

mae hyn yn codi'n rheolaidd mewn gwahanol astudiaethau ac yn rhannu'r ABC1 oddi wrth weddill y boblogaeth. Fe hoffem ni weld rhagor o arbrofi gyda phrisiau, lle mae'n bosibl, i gyrraedd poblogaeth ehangach.

YR ARIAN A FYDD AR GAEL

Bydd cyfanswm o £170,000 o arian ar gael yn ystod 2018-2019 drwy'r Gronfa Mynediad i Gynulleidfaoedd.

Mae pob cais yn cael ei gyfyngu i uchafswm cais dyfarniad o £20,000.00 y flwyddyn. Ym mhob achos, bydd yr arian a fydd yn cael ei gynnig yn cael ei gapio ar 75% o gyfanswm y gyllideb. Dylai'r gweddill gynnwys arian o gronfeydd partneriaethau ond gall hefyd gynnwys cefnogaeth an-ariannol.

O fis Ebrill 2017 bydd holl ddyfarniadau'r gronfa Mynediad i Gynulleidfaoedd yn cael eu rhannu'n flynyddol, ac felly'n amodol ar broses flynyddol o gyflwyno ceisiadau. Bydd Ffilm Cymru Wales yn derbyn ceisiadau sy'n dangos cynigion strategol hir dymor o hyd at dair blynedd os bydd y cynllun busnes a ddarperir yn un gwydn a chadarn. Fodd bynnag, bydd y dyfarniadau ar sail y cynigion hyn yn dal i gael eu rhoi yn flynyddol, yn amodol ar broses ymgeisio fyrrach.

Mae arian Mynediad i Gynulleidfaoedd yn cael ei roi ar ffurf grant na ellir ei adfer. Ond, dylid cofio y bydd y Cytundeb Ariannu yn darparu ar gyfer tynnu yn ôl neu leihau'r arian sy'n cael ei gynnig os bydd newidiadau o bwys mewn darpariaeth o gymharu â'r cais, oni bai y cytunwyd ar hynny'n ysgrifenedig. Gallai torri'r amodau mewn ffordd na ellir ei adfer olygu y byddai'n rhaid ad-dalu'r arian. Bydd unrhyw arian a fydd yn cael ei gynnig ar ddisgresiwn Ffilm Cymru Wales.

Rydym yn disgwyl y bydd cryn gystadlu am arian o'r gronfa hon ac yn annog ymgeiswyr i gael cymaint ag sydd bosibl o arian o bartneriaethau trydydd parti – gan amrywio'r partneriaid a'r ffynonellau o arian.

GWERTH EHANGACH MYNEDIAD I GYNULLEIDFAOEDD

Beth bynnag yw eu maint, gall y rhai sy'n derbyn arian Mynediad i Gynulleidfaoedd wneud cyfraniad gwerthfawr i'r amgylchedd economaidd, gymdeithasol a diwylliannol, yn lleol ac yn ehangach, gan gynnwys:

- Ehangu cyrhaeddiad ffilmiau i gynulleidfaoedd newydd – datblygu'r farchnad a'r cyrhaeddiad cymdeithasol a chynyddu'r dewis o ffilmiau sy'n cael eu cynnig i wella a chynnal cysylltiadau;
- Datblygu cyrhaeddiad a chynaliadwyedd arddangoswyr, cefnogi twf a'r gallu i addasu wrth annog arloesedd;
- Cryfhau gwaith y Rhwydwaith Cynulleidfaoedd Ffilmiau (FAN), y Rhwydwaith Addysg Ffilmiau (FEN) ac Into Film, sy'n cael eu hariannu gan y Sefydliad Ffilmiau Prydain drwy gefnogi sector arddangos ffilmiau bywiog sy'n gallu addasu er mwyn cydweithio a darparu enghreifftiau o ymarfer gorau y gellid ei ddefnyddio mewn manau eraill;
- Cefnogi nodau ac amcanion adfywio a Chenedlaethau'r Dyfodol Llywodraeth Cymru drwy gefnogi sefydliadau diwylliannol a chynnig ffilmiau mewn ardaloedd lle mae prinder darpariaeth ac i gynulleidfaoedd sy'n cael eu tan gynrychioli lle gall ffilm fod yn fodd o gysylltu ag a chefnogi agenda gwella llythrennedd digidol, addysg a sgiliau.
- Cyfrannu at wella dealltwriaeth o sut y gellir cyfarfod anghenion a diddordebau'r cyhoedd yng Nghymru orau drwy gasglu a rhannu, yn systematig, ddata ac ymchwil marchnata ar gynulleidfaoedd y bydd pob ymgeiswyr llwyddiannus yn cytuno i fod â rhan ynddo.

CYMHWYSEDD

Bydd y gronfa Mynediad i Gynulleidfaoedd yn cynnig cefnogaeth ariannol i amrywiaeth eang o weithgaredd ynghylch ffilmiau, a allai gynnwys:

- Mannau Sinema Annibynnol
- Gwyliau ffilm
- Cymdeithasau ffilm
- Mannau Sawl Celfyddyd
- Sefydliadau Diwylliannol
- Digwyddiadau Sinemâu Dros Dro.
- Sinemâu Symudol Gwledig
- Sinemâu Cymunedol / Cymdogaethol
- Sefydliadau Diddordeb Cymunedol a / neu Elusennau
- Clybiau Ieuenctid, Canolfannau Dysgu Gydol Oes, Cartrefi gofal, rhaglenni Celfyddydau Cymunedol a grwpiau cymunedol eraill

Ni fydd Ffilm Cymru Wales yn cefnogi cadwyni mawr o sinemâu na darpariaethau hynod fasnachol yn y prif lif.

Y BROSES YMGEISIO

CAM 1: MYNEGIAINT O DDIDDORDEB

Gwahoddir pob sefydliad i gyflwyno ffurflen Mynegiant o Ddiddordeb (MDd) er mwyn dechrau'r broses ariannu. Bydd y ffurflen MDd yn gofyn am nodau ac amcanion y sefydliad, pa mor gymwys yw'r gweithgaredd arfaethedig o fewn cyd-destun egwyddorion sylfaenol y gronfa Mynediad i Gynulleidfaoedd, ac am well dealltwriaeth o'ch anghenion a'ch gwerthoedd.

Bydd y sgwrs ddechreuol hon o fantais i'r ymgeisydd gan ei bod yn rhoi cyfle i chi dderbyn sylwadau am eich prosiect yn gynnar yn y broses, allai gryfhau eich cais yn y dyfodol. Er enghraifft, gall ymgeiswyr deimlo fod ganddynt fynediad at gynulleidfa darged bosib allai fod â diddordeb mewn ffilm, ond heb y profiad a'r cysylltiadau ar sut i ddatblygu gwasanaeth ffilm cynaliadwy. Gallwn gynnig cymorth mewn ffurfiau gwahanol- o awgrymu cysylltiadau a phartneriaethau ehangach er mwyn datblygu'r hyn sydd gennych i'w gynnig, hyd at eich gwahodd i wneud cais am arian drwy ymgymryd â Cham 2 y broses ymgeisio.

Noder: Nid yw'n ofynnol i bob arddangoswyr ffilm (gwyliau ffilm a lleoliadau a ariennir gan y craidd) a arferai gael eu hariannu gyflwyno datganiad o ddiddordeb a gallant barhau'n syth i'r ffurflen gais Cam 2 heb ganiatâd ymlaen llaw.

CAM 2: FFURFLEN GAIS

Unwaith fydd eich ffurflen Mynegiant o Ddiddordeb wedi ei gymeradwyo gan Ffilm Cymru Wales, byddwch yn cael eich gwahodd i gyflwyno ffurflen gais. Bydd yr ymgeiswyr yn cael eu hasesu mewn cylchoedd ariannu (ddwywaith y flwyddyn) ac mae'r dyddiadau cau perthnasol i'w gweld ar wefan Ffilm Cymru Wales: <http://www.ffilmcymruwales.com/index.php/cy/gweld/ariannu>

Mae'r gronfa Mynediad i Gynulleidfaoedd ar gael i bob math o weithgareddau arddangos ffilm annibynnol yng Nghymru

ac mae tair ffurflen gais benodol ar gael: Lleoliadau Sinema, Gwyliau Ffilm & Arddangos Ffilm Pop-up/Digwyddiad Arbennig/Cymunedol. Mae pob ffurflen gais wedi ei chynllunio i sicrhau eu bod yn berthnasol i bob ymgeisydd gan ddilyn themâu tair egwyddor sylfaenol y gronfa hon: Arloesedd, Cynhwysedd & Gwerth am Arian.

Nid oes yn rhaid i'r Gwyliau Ffilm & Lleoliadau Sinema hynny sydd eisoes wedi derbyn arian craidd gan Ffilm Cymru Wales yn ystod 2013-2017 gyflwyno Mynegiant o Ddiddordeb, a gallant gwblhau Cam 2 y ffurflen gais heb eu cymeradwyo o flaen llaw gan Ffilm Cymru Wales.

Derbyniwn geisiadau gan sefydliadau unigol neu gan gonsortiw m o ddau neu fwy o sefydliadau sydd wedi cytuno bod ganddynt yr un amcanion ac uchelgais ar gyfer eu gweithgaredd arfaethedig.

Os yw amser yn brin rhowch wybod i nicola@ffilmcymruwales.com, ac wedi i ni gael cyfle i drafod ac arolygu eich amgylchiadau, gall y panel gynnal cyfarfod anghyffredin, ar ddisgresiwn Ffilm Cymru Wales.

Y BROSES ASESU

Bydd pob cais am gyllid yn cael ei ystyried gan banel o aelodau Bwrdd Ffilm Cymru a'r gynulleidfa, y rheolwr addysg a'r adfywio gyda chymorth gan gydlynnydd y gynulleidfa, addysg ac adfywio. Bydd Ffilm Cymru Wales yn penderfynu ar y symiau ariannol wedi asesu'r ceisiadau yn unol â thair egwyddor sylfaenol y gronfa Mynediad i Gynulleidfa (Arloesedd, Cynhwysedd & Gwerth am Arian), yn ogystal â hyfywedd y cynnig yn gyffredinol, a'r potensial i wella mynediad Cynulleidfaedd Cymru at ffilm.

Yn anffodus, ni fydd yn bosib i Ffilm Cymru Wales ariannu pob un o'r ceisiadau ddaw i law, a'n gobaith yw hysbysu pob ymgeisydd o'r penderfyniadau ariannu o fewn 6 wythnos i'r dyddiad cau.

Bydd Ffilm Cymru Wales yn cynnig nawdd i ymgeiswyr llwyddiannus Mynediad i Gynulleidfaedd fydd yn amodol ar gytundebau ariannu manwl sy'n adlewyrchu nodau ac amcanion y cais yn ogystal â'r goblygiadau manwl, fel casglu data, y prosesau gwerthuso a'r telerau ad-dalu petai'r gofynion neu'r amodau'n cael eu torri.

Bydd unrhyw ddyfarniadau dilynol yn amodol ar asesiad o'r perfformiad yn erbyn y targedau a gytunwyd arnynt, a gan hefyd ystyried y cyd-destun masnachol ehangach ble mae menter Mynediad i Gynulleidfaedd yn gweithredu. Trafodir hyn mewn adroddiad ar ddiwedd y flwyddyn.

Os hoffech gynnig adborth neu wneud cwyn, mae'r manylion ar gael yma: www.ffilmcymruwales.com/index.php/en/company-details-and-contact/policies

CYDRADDOLDEB, AMRYWIAETH A MONITRO CYNWYSOLDEB

Mae ffilm Cymru wedi ymrwymo i hyrwyddo sector ffilmiau cynaliadwy a diwylliant ffilm sy'n gweithio i bawb ledled Cymru.

Credwn fod cydraddoldeb, amrywiaeth a chynhwysiant yn hanfodol er mwyn creu straeon pwerus a busnes creadigol cynaliadwy. Ategir y gred hon gan gorff cynyddol o dystiolaeth, sy'n dangos bod cwmnïau sy'n cofleidio EDI yn fwy llwyddiannus yn greadigol ac yn economaidd, gan gynhyrchu cynnwys gwreiddiol ac arloesol ac ehangu eu cynulleidfaoedd a'u sylfaen cwsmeriaid. Yr ydym yn cymryd ein rhan ganolog fel buddsoddwr, Asiantaeth ddatblygu ac eiriol dros unigolion a chwmnïau o Gymru neu yng Nghymru sydd yn cymryd rhan neu'n dyheu am fod yn y sector ffilm o ddifrif, a chydabyddwn fod rhwystrau i ffilm gydradd, amrywiol a chynhwysol Diwydiant.

Am y rheswm hwn, rydym wedi cyflwyno cynllun gweithredu cydraddoldeb, amrywiaeth a chynhwysiant, i lywio ein gweithgareddau ein hunain a'r rhai sy'n derbyn ein cyllid. Mae'r cynllun yn dangos ein hymrwymiad i dryloywder ac yn adlewyrchu ein cred yng ngwerth rhannu data, gwybodaeth a rhwydweithiau.

Mae ein cynllun gweithredu edi yn cyd-fynd â'n cynllun strategol ar gyfer 2018-2022, yn ogystal â'n cynllun iaith Gymraeg a'n cod ymddygiad sydd i gyd i'w gweld ar ein gwefan.

Er mwyn cydymffurfio â'n cynllun gweithredu EDI, gofynnir i chi gyflwyno gwybodaeth drwy holiadur ar-lein a fydd yn cipio cydraddoldeb ac yn monitro data amrywiaeth ar ôl i chi gyflwyno ffurflen gais. Noder na fydd eich cais yn cael ei ystyried yn gyflawn hyd nes y byddwch wedi cyflwyno'r arolwg, fodd bynnag, ni fydd y data hwn yn llywio unrhyw benderfyniadau ariannu.

Drwy gipio'r data hwn, byddwn yn gallu deall mwy am eich sefydliad. Bydd yn ein helpu i gydymffurfio â'r gyfraith, yn sicrhau bod ein polisiau a'n harferion yn deg ac yn effeithiol, ac yn eu gwella lle bynnag y gallwn. Bydd y wybodaeth a ddarperir yn cael ei thrin yn ddiennw ac yn gwbl gyfrinachol a'i phrosesu yn unol â Deddf Diogelu Data 1998 a safonau newydd y GDPR ar 25 Mai 2018.

BROSES WERTHUSO

Fel rhan o'ch cytundeb ariannu gyda ffilm Cymru, bydd yn ofynnol i chi gyflwyno adroddiadau interim drwy gydol eich prosiect ac adroddiad terfynol a ffurflen fonitro o fewn 3 mis i'ch dyddiad cwblhau. Ni fydd y taliad terfynol yn cael ei ryddhau nes bod Ffilm Cymru wedi derbyn yr wybodaeth y gofynnir amdano a phan fydd yn hyderus fod y prosiect wedi cael ei gynnal a bod yr amodau ariannu wedi'u bodloni, gan gynnwys cyflwyno data. Fel rhan o'r adroddiad terfynol bydd gofyn i chi ddarparu:

- Adroddiad gwerthuso byr sy'n amlygu'r llwyddiannau a'r sialensiau'n seiliedig ar dair egwyddor sylfaenol y Gronfa Mynediad i Gynulleidfaoedd: Arloesedd, Cynhwysedd & Gwerth am Arian.
- Cyllideb incwm a gwariant fanwl, sy'n dangos lle y gwyrwyd oddi wrth y gyllideb a gytunwyd;
- Adroddiad swyddfa docynnau / cynulleidfa- gyda chynulleidfaoedd wedi'u didoli yn ôl sgriniadau / digwyddiadau;
- Detholiad o ddelweddau digidol o safon o'ch prosiect ar ddisg. Mae'n rhaid i'r rhain gael eu clirio i'w defnyddio yn unol â Rheoliadau gdpr ar ein gwefan, Cylchlythyr, adroddiadau cwmnïau a llenyddiaeth gorfforaethol os yw'n briodol;
- Adroddiadau o unrhyw sylw yn y wasg, gyda phob datganiad i'r wasg yn nodi, ar ffurf wedi'i gymeradwyo, gefnogaeth Ffilm Cymru Wales.
- Casglu data am gynulleidfaoedd a gyflwynwyd drwy ffurflen monitro buddiolwyr fel y darperir gan Ffilm Cymru.

Yn ogystal â hyn, bydd disgwyl i chi gynnal a chyflwyno fel rhan o'r cais i Ffilm Cymru Wales:

- Gynllun busnes a chofrestr risg sy'n cael eu hadolygu a'u diweddarau'n rheolaidd.
- Tystiolaeth o'r ffyrdd y mae data'n cael ei gasglu a sut y gellir eu datblygu i olrhain ymddygiad cynulleidfaoedd.
- Polisi'r Iaith Gymraeg yn unol â pholisi Cyngor y Celfyddydau Cymru a Llywodraeth Cymru.
- Polisi sy'n cael ei ddatgan yn glir ar gyfer addysg a chysylltu cymunedol, sy'n ceisio gweithio gyda phobl o gefndiroedd ynysig a difreintiedig, yn ogystal â gyda'r sector addysg ffurfiol ac anffurfiol.

POLISI AM DDIFFYN PLANT AC OED OLION BREGUS

Os yw unrhyw ran o'ch prosiect yn cael ei anelu at blant a / neu bobl ifanc mae'n rhaid i'r cais am arian gynnwys:

- Cyflenwi copïau o bolisi amddiffyn plant neu oedolyn agored i niwed priodol i ffilm Cymru (gan ddibynnu ar fuddiolwyr arfaethedig)
- Dangos bod gennych broses recriwtio a dethol drylwyr ar gyfer staff cyflogedig, gweithwyr llawrydd a gwirfoddolwyr a fydd yn gweithio gyda phlant neu oedolion sy'n agored i niwed a/neu'n eu goruchwyllo. Dylai hyn gynnwys datgelu a gwahardd
- Cynnwys staff cynlluniedig ar gyfer y prosiect gan nodi nifer y plant fesul goruchwyllydd;
- Dylid cynnal gwiriadau DBS fel mater o arfer da lle mae dyletswyddau arferol staff prosiect neu wirfoddolwyr yn cynnwys gofalu am, hyfforddi, goruchwyllo neu fod yn gyfrifol am blant ar eu pennau eu hunain a/neu gynnwys dod i gysylltiad â phlant heb oruchwyliaeth;
- Dylid darparu tystiolaeth o'r gwiriadau hyn, lle bo'n ofynnol, a gwybodaeth ynghylch dewis y rhai sy'n goruchwyllo plant neu oedolion sy'n agored i niwed cyn dechrau'r prosiect a chyn tynnu'r arian i lawr.

Dylid cynnal gwiriadau'r DBS fel mater o arfer da lle mae dyletswyddau arferol staff prosiect neu wirfoddolwyr yn cynnwys gofalu am, hyfforddi, goruchwyllo neu fod yn gyfrifol am blant ar eu pennau eu hunain a/neu gynnwys cyswllt heb oruchwyliaeth â phlant.

Am ragor o wybodaeth: <https://www.disclosureservices.com/our-Services/Criminal-Records-Bureau-check.asp>

MANYLION CYSWLLT

Os hoffech chi holi ynghylch unrhyw beth neu os hoffech chi drafod unrhyw agwedd o'ch prosiect cyn cyflwyno cais, cysylltwch â:

Natasha Wilson (cynulleidfa, addysg, Cydlynnydd adfywio) ar 02921 679 369 neu Natasha@ffilmcymruwales.com

Nicola Munday (cynulleidfa, addysg, Rheolwr Adfywio) ar 02920 766 931 neu Nicola@ffilmcymruwales.com.

Cofiwch, gall arddangoswyr ffilmiau sy'n canolbwyntio digon ar lythrennedd ffilm ymgeisio hefyd, ar wahân, i'r Gronfa Addysg. Cewch fanylion ar ein our Education Strategy ac yn ein Canllawiau Ariannu

ffilm

CYMRU WALES

UNIT 6
TRAMSHED TECH
PENDYRIS STREET
CARDIFF
CF11 6BH

+44(0)2921 679369
enquiries@ffilmcymruwales.com
www.ffilmcymruwales.com

